

Ա. Աղամյան

ՓԱՍՏԱԹՂԹԵՐ ՇԱՄԻԼԻ ՀԱԿԱԺՈՂՈՎՐԴԱԿԱՆ ՇԱՐԺՄԱՆ ՄԱՍԻՆ

Հիմնավոր փաստերով ապացուցված է, որ Շամիլի և նրա նախորդների կողմից ղլխավորած շարժումն ազգային-ազատագրական բնույթ չի ունեցել, իր էությունով եղել է հակաժողովրդական, ռեակցիոն մի շարժում։ Այդ շարժումը հրահրել, կազմակերպել, նրան ռազմական և նյութական օգնություն են ցույց տվել թյուրքական և անգլիական կառավարող շրջանները՝ կովկասյան իրենց ազդեցության տակ ղցելու և այդ ժողովուրդներին անդլո-թյուրքական արյունոտ լծի տակ դնելու նպատակով։

Շամիլը և նրա նախորդները եղել են թյուրքական և անգլիական գործակալներ, որոնք պաշտոնի հարաբերությունների մեջ են եղել թյուրքական կառավարության ղեկավար շրջանների հետ և ռազմական պլաններ մշակել՝ ռուսական զորքերին կովկասից դուրս հանելու համար։ Չնայած Անդրկովկասը Ռուսաստանին միացնելուց հետո, երկար ժամանակ, Դադստանի թյուրքաֆիլ ֆեոդալները, հանձինս Ղազի-Մուլլայի, Շամիլի և նրանց հետեորդների, կոպում էին Ռուսաստանի դեմ ազգային, կրոնական քողի տակ, իսկ իրականում այդ շարժման տակ թաքնված էին թյուրքական և անգլիական դադլոթարարների ազդեցիկ քաղաքական նպատակները։

Հայերից ոմանք անձամբ մասնակցելով ռուսների դեմ Ղազի-Մուլլայի և Շամիլի մղած կռիվներին, պարզ է, որ չէին կարող այս կամ այն չափով չանդրադառնալ այդ իրադարձությանը և իրենց վերաբերմունքը ցույց տալ նրա նկատմամբ։ Հայտնի է, որ Ն. Գ. Չերնիշևսկու դադափարական դիմակից և ուսուցիչ ղեմոկրատ Միքայել Նալբանդյանն իր «Հիշատակարանի» մեջ Շամիլի ղլխավորած շարժումը բնութագրել է որպես ռեակցիոն մի շարժում և իր բացասական տիպերից երկուսին պատկերել է Շամիլի կերպարով (Հարություն Քալիսյանին և Գ. Վարդապետ Այվազովսկուն)¹։

Հայ նշանավոր գրող Պերճ Պոռյանը նույնպես բացասական կարծիք է ունեցել Շամիլի ղլխավորած շարժման մասին։ Նա իր «Հուշիկներում» և «Շահեն» վեպում գրում է, որ Շամիլի ավազակային հարձակումներից պաշտպանվելու համար ոտքի է կանգնած եղել Թիֆլիսի ողջ բնակչությունը և կազմակերպել աշխարհազորային զնդեր Շամիլի հրոսակների դեմ կովելու համար։

Շամիլի և նրա նախորդների կողմից ղլխավորած մյուսիղական շարժումն ինչպիսի արձագանք է ունեցել հայ հասարակական տարրեր խավերի շրջաններում։ Այդ շարժման մասին Հայկական ՍՍՌ Պետական Մատենադարանի արխիվում կան հայերեն, ռուսերեն և վրացերեն լեզուներով մի շարք վավերագրեր գրված՝ հայ, ռուս և վրացի ղիմորականների, աշխատավորների և հոգևորականների կողմից, որոնք հնարավորություն են տալիս պարզաբանելու տարրեր հասարակական հոսանքների վերաբերմունքը դեպի այդ շարժումը։

Հայկական ՍՍՌ Պետական Մատենադարանի արխիվում գտնված հիշյալ վավերագրերի հեղինակները մեծ մասամբ լինելով շահագործող դասակարգի ներկայացուցիչներ, Դադստանի իրադարձությունները ներկայացնում են տենդենցիոզ ձևով։ Քոսեկով այդ շարժման մասին, նրանք իրենց մեղադրանքներն ուղղել են Դադստանի ողջ ժողովրդի դեմ՝ աշխատավոր ժողովրդին նույնացնելով ֆեոդալների, հոգևորականների և վաշխառուների հետ։

Այդ շարժման վերաբերյալ կարևոր տեղեկություններ է պարուսակում 1832 թ. դեկտեմբերի 1-ին Թիֆլիսից Շերմազան Վարդանյանցի կողմից էջմիածնին ուղղված նա-

¹ Մի. Նալբանդյան, Երկերի լիակատար ժողովածու, Ա. հատոր, «Հիշատակարան», 1945, էջ 293—410։

մակը, որտեղ նկարագրված է Իմամ Ղազի-Մուլլայի հրոսակները և ռուսական զորքի միջև Դերբենդ և Գիմիրի գյուղերում տեղի ունեցած ճակատամարտը, որտեղ սպանվում է մյուս-րիդական շարժման աչքի ընկնող ղեկավար—Ղազի-Մուլլան: « . . . Դարբանդ և Գիմիրի անուանեալ գիւղն,—գրում է նա,—ուր բնակեալ կայր Ղազի-Մուլլէն, վերառեալ շտուրմով և Ղազի-Մուլլային սպանեալ է պատերազմի միջին... վերոհիշեալ Ղազի-Մուլլան էր այսքան չաչանի և Դադստանի խառնակութեանն պատճառն, և նա էր նոցա ղլխավորն»¹:

Շամիլի հրոսակների դեմ զործող ռուսական բանակի յուրաքանչյուր կարևոր հաղթանակի մասին սովորաբար, իրադարձությունից անմիջապես հետո, տեղեկություն է հրատարակվել հրամանի ձևով, որը և կարդացվել է ինչպես զորամասերում, այնպես էլ եկեղեցիներում: Այդ կարգի վավերագիր է 1839 թ. դեկտեմբերի 22-ին էջմիածնի սինոդի կողմից եկեղեցիներին ուղարկած փաստաթուղթը, ուր գրում է.

« . . . Ղենեքալ աղիւտանդ Կուրբեն յայտնէ նմա ի մասին իսկապէս ոչնչացուցա-նելոյ ի հիւսիսայինն Դադստան զխաժամուժ ամրոխն խռովարարին Շամիլի ի վերջին ապաստանի նոցին յԱխուլքո կոչեցեալ յայրի միում ամրացուցելոյ ձեռամբ բնութեանն և արուխտի: Իսկ, որ ղկնի բաղմայամառ ղիմազբաւութեան պատերազմի, վերջապես պար-տեցաւ ի գինւորաց մերոց ի 22 անցեալ օգոստոսի, որով և խորտակեցաւ մինչև իսպառ շարախնդիր և թշնամական սկիզբն ատելութեան, որ ցարդ ոչ զաղարէր յարուցանել ընդ-դէմ մեր զամենայն լեռնարնակ աղինս, լեռնարնակք կորուսին յայնմ մարտի ավելի քան ղերկու հազար անձինս ընտրելադոյնս ի զանազան տոհմից, ղերեալ են ցեօթն հարիւր գերդաստանք, և նոյն ինքն խռովարարն Շամիլ խոյս տալով արժանաւորադոյն վարձու վասն այսոցիկ շարագործութեանց իւրոց փախեալ միայն ընդ քանի մի համախոհից իւրոց, տարեալ ընդ ինքեան զանեծս ամրոզ ղիւղօրէից, ղորս հրոյ և սրոյ մատնեաց նա, վասն անձին իւրոյ»:

Աշխատավոր ժողովուրդը, ընդհանրապես, զայրույթով և ատելությամբ է լցված եղել ղեպի Շամիլի հրոսակները: Շամիլի ասպատակություններին ենթակա տեղացի՝ վրացի, ադրբեջանցի և հայ բնակիչները հաճախ ղենք են վերցրել, միացել ռուսական բանակին և կռվել Շամիլի դեմ: Շամիլի շարժման ավաղակային բնույթը ցուցադրող կարևոր վա-վերագիր է 1850 թ. հոկտեմբերի 31-ին Ղարաբաղի Կոնսիստորիայի կողմից էջմիածին գրած մի հայտարարությունը, որի մեջ խոսվում է Շամիլի հրոսակների խաղաղ ժողովրդ-դի վրա կատարած հարձակումներից մեկի մասին: Հայտարարության մեջ նշված է, որ 1850 թ. հոկտեմբերի 11-ին, ցերեկը հանկարծակի Շաքվա զավառի վրա հարձակվում են Շամիլի հրոսախմբերից մեկը, հասնում են Խարսրաթմա կոչված փոստակայանը և կոտո-րում պահակներին: Հրոսակախումբը առաջ շարժվելով հարձակվում է նաև Ճալեթի վրա, որտեղից բաղմաթիվ հայ և ադրբեջանցի ղերիներ է տանում: Նա ուղղում է հարձակվե-նաև Նուխի քաղաքի վրա, սակայն լսելով, որ Նուխու ազգաբնակչությունը և բերդի ղոր-քը պատրաստվել են իրենց ղիմազբել, հետաձգում է հարձակումը: Ճալեթից վերադառ-նալուց հետո միայն ղիշերը հարձակվում է Նուխու վրա: Նուխեցիները և ռուս ղին-վորները ղիմազբում են և փախուստի մատնում նրանց՝ աղատելով Ճալեթից ղերի տա-րած բնակիչների մի մասին: « . . . ի 11 ներկայ հոկտեմբերի յաւուր չորեքշաբթի—գրում են նրանք,— ի ցերեկի կեսուտուր յանկարծ յարձակեալ խումբ անօրէն լեռնա-րնակ ազգաց ի Շաքի գաւառն և ընդ հասանել նոցա յիջևան փոստին, այսինքն ի Բարա-րաթմայ կոչեցեալ չափարխանայն, իսկոյն այրեալ ղնոյն և ղի նմին գտեալ պահապանոն կոտորեալ, ղիմեալ են ի գիւղն Ճալեթ ի նմին իսկ աւուր, և ընդ արեւմուտն հասեալ անդ ղերեվարեալ են ղրագում հայս և ղտաճիկս ճալեթարնակ՝ և յաւար հարեալ են: Եւ ընդ-դարձ նոցա լուր եղեալ է, եթե մտանէ թշնամին ի քաղաքն Նուխի՝ առնել ըստ վերոգրե-լոյն, այլ վրիպեալ է նա ի յուսոյն իւրմէ ղի կանխապատրաստ հոգատարությամբ ժողովր-ժողովրդոց տեսեալ զայսպիսի մեծ վտանգ, յորմէ ի ղարհուրանաց ի վերայ արշավելոց խռովեալք ամրացուցեալ են ի բերդի ղկհաս և ղկարասիս իւրեանց և պնդեալ են ի նոյն: Բերդապահք ղարթուցեալ են ի մարտ, իսկ իշխանաւորք քաղաքին պահպանօք և ամե-նայն հնարիւք ղզուլութեան տքնեցին խափանել ղնախամտադրեալ ղորոգայթս թշնամւոյն:

¹ Հայկական ՍՍՌ Պետական Մատենադարան, արխիվային բաժին, կաթ. դիվան, թղթ. № 74, վավ. № 322:

² Հայկական ՍՍՌ Մատենադարան, արխիվային բաժին, սինոդի օրագրություն-ներ, թղթ. № 6, վավ. № 337:

Ուստի և կրեալ են ամենայն դորժք թղթոց հոգևոր կառավարութեան Շաքւոյ ի նոյն բերդն և խափանեալ են ամենայն բնթացք գործառնութեան նորին և չէ խաղաղացեալ վրդովմունք թշնամեացն ցարդ: Այն ինչ զորոն վերադարձի ի ճալեթայ գերիվար թշնամեացն մուտ գործէր ի քաղաքն Նուխի ի գիշերայն հանդիպեալ անցապահ կարգեալ անձանց զգաստից, զգեմի հարեալ զոմանս ի գերեաց մերոց անտի թափեալ ի նոցանէ յետս դարձուցեալ են: Եւ այսպէս տեւեն վրդովմունք և անհանդիստ խռովութիւնք ցայսօր ի քաղաքին յաղաղս երկիւղին այլևս յանկարծ գիմեցան նոցա ի գերիվարութիւն և յաւար հարկանումն¹:

Հայտնի է, որ տասնյակ տարիներ շարունակ կախեթը, Թելավը, Զաքաթալան, Շաքին և այլ վայրերը ենթարկվել են Շամիլի և նրա նախորդների զլխավորած ասպատակություններին: Շամիլը և նրա նախորդները ավերելով բարգաւաճ քաղաքները և գյուղերը, բնակչության մի մասին կոտորում էին, իսկ մյուս մասին գերի տանում՝ անասելի տառապանքի ենթարկելով նրանց: Գերիներէից աղատում էին միայն նրանց, որոնց համար մեծ փրկադին էին տրվում ասպատակների պարագլուխներին:

Մեր տրամադրության տակ եղած վավերագրերից երևում է, որ 1854 թ. Շամիլի հրոսակները հարձակվել են Թելավ քաղաքի և նրա շրջակա գյուղերի վրա: Թելավցիները դիմադրել են նրանց: Դիմադրողների մեջ եղել են նաև հայեր, որոնցից մի քանիսն, այդ կովում ցույց տված խիզախության համար արժանացել են կառավարության պարգևի: Այդ մասին ուշագրավ է Իվան Կեստելովի 1854 թ. սեպտեմբերի 8-ին Ներսես Աղտարակեցուն գրած մի նամակը, որը մենք բերում ենք ստորև փոքրիկ կրճատմով: «Вашему Святейшеству, вероятно известно внезапно постигшее 3, 4 и 5 чисель, прошлого июля месяца, бедствие многих деревень Телавского уезда, нашествием на оныя в больших силах непокорных нам Горцов как равно и то, что вероломный неприятель от города Телава был в двух верстах... В означенное выше бедственное время, паствы Вашего Святейшества, Телавский Благочинный Протоиерей Хачатур Сукиасов и особо управляющий по распоряжению Святейшей особы Вашей в Телавском Уезде в селе Духовными делами Телавский гражданин Гигол Согроев, известный до селе своим безкористию и деятельностью к пользе как правительственной, так и общественной по неоднократным выборам в звание городского депутата и удостоившийся за это награждением золотою медалью—не касаясь сохранения по обязанности своей церковной утвари с имуществом, были твердым для Телавского Духовенства и граждан примером в самоотвержении угрожавшей Городу Телаву от дерзкого неприятеля опасности. О таком похвальном усердии Благочинного Сукиасова и гражданина Согроева при вторжении Горцев приятным долгом считаю довести до внимания Вашего святейшества»².

Հրիմի կամպանիայի ժամանակ (1853—1856), ինչպես հայտնի է, Անդրիան, Թյուրքիան և Ֆրանսիան Շամիլի առջ խնդիր էին դրել, որ նա իր ռազմական գործողությունները միացնի նրանց զորքերի գործողություններին, որպեսզի կովկասում գտնվող ուսական բանակին կտրեն թիկունքից և իրենց տիրապետությունը հաստատեն Անդրրկովկասում: Այս առթիվ արժեքավոր է Բերեգինսկա գյուղից Հարություն քահանա Վարդանյանցի 1855 թ. մայիսի 23-ին Ներսես Աղտարակեցուն գրած նամակը, ուր նա հայտնում է, որ ուսական կառավարության կարգադրությամբ Կերչի բնակչությունը տեղավորվել է Նոր-Նախիջևանում և այլ վայրեր՝ չերքեզներին³, հատկապես անդիպցիների և նրա զաջնակիցների հարձակումներից ապահով լինելու համար: «Ի 16 ամսոյս կառավարիչ զօրաց կողմանս զենեւալ խամութուն»,—գրում է նա,—եկն ի քաղաքս մեր և 1 ամսոյս հրաման ետ ամենայն քաղաքացւոց հանել ի քաղաքէս զընտանիս, զինչս, զղատաստանատունս, զգանձարանն, զհիւանդանոցս և զամենայն եկեղեցական անոթս՝ առ որ և ես զնացի ի տեղեկութիւն ի նորին մեծութենէ, բայց զնոսա ներկա ոչ կարացի տեսանել,

¹ Հայկական ՍՍՌ Պետական Մատենադարան, արխիվային բաժին, Սինոդի կարգադրիչ մաս, թղթ. № 63, վավ. № 107:

² Հայկական ՍՍՌ Պետական Մատենադարան, արխիվային բաժին, կաթ. դիվան, թղթ. № 172, վավ. № 108:

³ Այն ժամանակ չերքեզներ ասելով նկատի ունեին Շամիլի հրոսակներին:

показаний его и из сведений, полученных об нем от посаженного вместе с ним в тюрьму человека под видом арестанта, можно было сделать заключение, что он есть тот самый Хаджи Измаил, который был разыскиваем. В мае месяце этот человек под именем Абди-Абдул-Огли был отправлен из Тифлиса в Новочеркасск, как военно-пленный.

По докладу об этом Г. Главнокомандующему, Его Высокопревосходительство изволил изъявить согласие на вымен Абди-Абдулы-Оглы на священника Мартирузова.

По поручению Его Высокопревосходительства, я вместе с ним обращаюсь К. Г. Военному Министру с просьбою об исходатайствовании Высочайшего Государя императора соизволения на отправление сего Азиатца в Тифлис для вымена на него из плена Г. Мартирузова: Относительно же освобождения из плена семейства его предписана Г. Заведывающему.

Левый флангом Кавказской линии, чтобы иметь оное ввиду по присылке из России пленных горцов, которых Шамиль просит на вымен Кахетинцев, взятых в плен в июле 1854 года¹

Պարելի է բերել մի շարք այլ փաստեր ևս, սակայն բերածները կարծում ենք բավական են համոզվելու համար, որ հիշյալ շարժումը իրոք հակաժողովրդական շարժում է եղել և որ այդ շարժումը Շամիլի ղլխավորությամբ նպատակ է ունեցել թյուրքիայի և Անդլիայի թելադրանքով խռովություններ բարձրացնել Ռուսաստանի դեմ՝ կովկասի ժողովուրդներին թյուրքիայի և Անդլիայի արյունոտ լծի տակ դնելու համար²:

¹ Հայկական ՍՍԻ Պետական Մատենադարան, արխիվային բաժին, Կաթ. դիվան, Թղթապանակ № 178, վավերագիր № 368:

² Մատենադարանի արխիվում բացի այստեղ օգտագործված վեց վավերագրերից նշված շարժման մասին, կան նաև հետևյալ վավերագրերը.

ա) Ալ. Երիցյանի արխիվ, Թղթապանակ № 148, վավերագիր № 51		
» » » »	№ 152	» № 189, 168 ⁵ , 158
» » » »	№ 153	» № 184
» » » »	№ 155	» № 83
» » » »	№ 159	» № 35 ա
բ) Ներսես Աշտարակեցու արխիվ, Թղթ. № 164, վավերագիր № 1291		
» » » »	№ 165	» № 124, 181
գ) Սինոդի օրագրություններ Թղթ. № 6, վավերագիր № 150, 415, 678		
դ) Սինոդի կարգադրելի մաս, Թղթ. № 16, վավերագիր № 147		
ե) Կաթողիկոսի դիվան, Թղթապանակ № 36, վավերագիր № 19		
» » » »	№ 73	» № 163
» » » »	№ 78	» № 4
» » » »	№ 104	» № 41
» » » »	№ 111	» № 537
» » » »	№ 116 ա	» № 209, 210, 235
» » » »	№ 121	» № 41, 209
» » » »	№ 129	» № 131, 171, 299
» » » »	№ 137	» № 243, 241
» » » »	№ 146	» № 392
» » » »	№ 147	» № 478
» » » »	№ 149	» № 784
» » » »	№ 181	» № 168, 213

